



BOSNIA AND HERZEGOVINA  
FEDERATION OF BOSNIA AND HERZEGOVINA  
THE UNA - SANA CANTON  
UNA-SANA CANTON GOVERNMENT

Na osnovu člana 16. Zakona o Vladi Unsko-sanskog kantona („Službeni glasnik Unsko-sanskog kantona“, broj: 5/08), a u vezi s članom 64. stav (1) tačka b) i članom 70. stav (1), (3) i (6) Zakona o javnim nabavkama („Službeni glasnik Bosne i Hercegovine“, broj: 39/14), te Preporuke Komisije za javne nabavke u Zapisniku o ocjeni ponuda broj: 03/5-45-15283-17/20 od 05.01.2021. godine, Vlada Unsko-sanskog kantona na sjednici održanoj dana 25.01.2021.godine, d o n o s i :

**O D L U K U**  
o izboru najpovoljnijeg ponuđača

**Član 1.**

Prihvata se Preporuka Komisije za javne nabavke za predmet ugovora „Nabavka usluga obaveznog osiguranja vozila“ i dodjeljuje se okvirni sporazum prvorangiranom ponuđaču „Central osiguranje“ d.d. Sarajevo, za konačnu cijenu nakon e-aukcije u iznosu od 13.074,35 KM bez PDV-a (usluga oslobođena obračunavanja PDV-a po članu 25. tačka 1. Zakona o porezu na dodanu vrijednost („Službeni glasnik Bosne i Hercegovine“, broj: 9/05)).

**Član 2.**

Ova Odluka stupa na snagu danom donošenja i objavit će se na web-stranici [www.vladausk.ba](http://www.vladausk.ba) uz istovremeno upućivanje iste ponuđačima koji su učestvovali u postupku javne nabavke.

**O b r a z l o ž e n j e**

Na osnovu Zaključka Vlade Unsko-sanskog kantona, broj: 03-017-2162/2020 od 17.09.2020. godine, Ured za zajedničke poslove Vlade Unsko-sanskog kantona je u ime ugovornog organa Vlade Unsko-sanskog kantona objavio na Portalu javnih nabavki Obavještenje o nabavci, broj: 928-7-2-80-3-27/20 dana 10.12.2020. godine za predmet ugovora: „Nabavka usluga obaveznog osiguranja vozila“ putem konkurentskog zahtjeva za dostavu ponuda.

Po isteku roka za podnošenja ponuda (25.12.2020. godine do 12,00 sati) evidentirano je da je blagovremeno zaprimljeno osam ponuda, i to:

| Broj protokola      | Naziv/ime ponuđača (šifra)             | Datum i sat prijema       |
|---------------------|----------------------------------------|---------------------------|
| 03/5-45-15283-6/20  | Adriatic osiguranje dd Bihać           | 23.12.2020.godine (11:55) |
| 03/5-45-15283-7/20  | DD za osiguranje Camelija Bihać        | 24.12.2020.godine (08:55) |
| 03/5-45-15283-8/20  | ASA osiguranje DD Sarajevo             | 24.12.2020.godine (09:05) |
| 03/5-45-15283-9/20  | Sarajevo osiguranje Sarajevo           | 25.12.2020.godine (09:20) |
| 03/5-45-15283-10/20 | Euroherc osiguranje dd Sarajevo        | 25.12.2020.godine (09:20) |
| 03/5-45-15283-11/20 | Croacia osiguranje dd Bihać            | 25.12.2020.godine (09:45) |
| 03/5-45-15283-12/20 | Triglav osiguranje dd Podružnica Bihać | 25.12.2020.godine (10:10) |
| 03/5-45-15283-13/20 | CCentral osiguranje dd Sarajevo        | 25.12.2020.godine (10:30) |

Neblagovremenih ponuda u ovom postupku nije bilo.

Uvidom u ponude ponuđača „Adriatic osiguranje“ d.d. Bihać i „Triglav osiguranje“, Komisija je na sastanku održanom 29.12.2020. godine konstatovala računsku grešku u Aneksu 3-Obrazac za cijenu ponude te prije utvrđivanja prihvatljivosti ponuda uputila zahtjev za prihvatanje ispravke računске greške za predmet ugovora: „Nabavka usluga obaveznog osiguranja vozila“. Rok za dostavljanje ispravke je bio 31.12.2020. godine do 12.00 sati. Ponuđači su u naznačenom roku dostavili akt kojim su prihvatili ispravku računске greške.

Nadalje, Komisija je izvršila uvid u priloženu dokumentaciju i suštinsku provjeru sadržaja i validnosti dokumentacije te konstatovala da od osam pristiglih ponuda, ponude ponuđača „Euroherc“ d.d. Sarajevo i „Triglav osiguranje“ d.d. Podružnica Bihać ne ispunjavaju formalno pravne i tehničke zahtjeve ugovornog organa te nisu prihvatljive i ne mogu biti predmet vrednovanja.

Naime, ponuda ponuđača „Euroherc“ d.d. Sarajevo je od strane Komisije ocjenjena neprihvatljivom iz razloga što je uvidom u dostavljenu ponudu Komisija konstatovala da ponuđač nije dostavio ponudu na izmjenjenom Obrascu za ponudu-Aneks-3. Napominjemo, ugovorni organ je izmjene i dopune tenderske dokumentacije učinio dostupnim svim zainteresovanim ponuđačima na portalu nabavki u skladu sa članom 9. Uputstva o uslovima i načinu objavljivanja obavještenja i dostavljanja izveštaja u postupcima javnih nabavki u informacionom sistemu „E-nabavke“ („Službeni glasnik Bosne i Hercegovine“, broj: 90/14 i 53/15), čime su principi transparentosti, jednakog tretmana i nediskriminacije u potpunosti ispoštovani. S obzirom da se radi izmjeni i dopuni tenderske dokumentacije koja podrazumijeva suštinsku promjenu u predmetu nabavke (dodana su dva nova vozila), Komisija ponudu ponuđača „Euroherc“ d.d. Sarajevo nije prihvatila.

Ponuda ponuđača „Triglav osiguranja“ d.d. Podružnica Bihać od strane Komisije ocjenjena je neprihvatljivom iz razloga što navedeni ponuđač nije postupio u skladu sa tačkom 3.2. pod d) Tenderske dokumentacije kojom je utvrđeno da je ponuđač bio u obavezi da dostavi potvrdu banke u kojoj ponuđač ima otvoren transakcijski račun koji je određen kao „glavni“, te da nije bio blokiran u posljednjih šest (6) mjeseci. Napominjemo, da je ponuđač dostavio Potvrdu banke, međutim iz iste nije vidljivo da je transakcijski račun ponuđača određen kao „glavni račun“.

Komisija je nakon provjere kvalifikacija ponuđača za predmetnu javnu nabavku, sačinila spisak kvalifikovanih ponuđača sa ponuđenom početnom cijenom te zakazala e-aukciju u skladu sa Pravilnikom o uslovima i načinu korištenja e-aukcije („Službeni glasnik BiH“, broj: 66/16). E-aukcija je održana 04.01.2021. godine sa početkom u 12:15 sati te je pomoću automatskih metoda ocjenjivanja u informacionom sistemu e-Nabavke automatski izvršeno rangiranje ponuđača na osnovu koga je redoslijed - rang lista prihvatljivih ponuda - ponuđača slijedeća:

| R/b | Naziv ponuđača                    | Ponuđena cijena bez PDV-a |
|-----|-----------------------------------|---------------------------|
| 1.  | Central osiguranje d.d. Sarajevo  | 13.074,35                 |
| 2.  | D.D. za osiguranje Camelija Bihać | 13.189,06                 |
| 3.  | Adriatic osiguranje d.d. Bihać    | 13.420,00                 |
| 4.  | ASA osiguranje D.D. Sarajevo      | 13.833,95                 |
| 5.  | Croacia osiguranje d.d. Bihać     | 14.435,17                 |
| 6.  | Sarajevo osiguranje Sarajevo      | 14.443,50                 |

Cijeneći navedeno, ugovorni organ donosi Odluku kao u dispozitivu.

#### POUKA O PRAVNOM LIJEKU

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od pet dana od dana prijema ove Odluke i to u pisanoj formi i u dovoljnom broju primjeraka, a koji ne može biti manji od tri.

Broj: 03-017-2606/2021  
Bihać; 25.01.2021. godine

PREMIJER KANTONA  
mr. sci. Mustafa Ružnić

